

中國方志叢書·華中地方·第七八五號

據

清·呂懋先等修，帥方蔚等纂
清同治十年刊本

影印

江 西 省

奉新縣志

(四)

成文出版社有限公司印行

奉新縣志卷十

人物志四

童科
雜進

辟薦

恩賜

諸貢

武科甲

應例

童科

宋

劉伯璋

字公玉奉化鄉人紹定三年庚寅八歲中九經科

劉伯琦

字奇玉奉化鄉人嘉熙四年庚子八歲中九經科

羅澄

進城鄉人淳祐五年乙巳九歲中九經科

陰幼遇

字時夫應夢子登寶祐九經科宋亡不仕著韻府羣玉二十卷以事繫韻以韻摘事經史子集蒐獵

靡遺垂三十載而成兄幼達中夫為之隨字註釋以備觀

覽延祐初錄梓盛行於世見宋史宏簡錄

陰幼達

字中夫應夢子景定二年辛酉九歲中九經科見前傳

陰幼迪

字允夫應夢子景定四年癸酉九歲中九經科

按余志載宏簡錄幼遇兄弟皆宋九經科入元不仕則
猶宋之遺民也舊志繫於元頗失書晉處士之意今爲

正之

據陰氏家譜載應夢有六子幼邁幼選幼迪皆中九經
科存考

辟薦

晉

劉道崇

號卓菴奉化鄉人泰始中舉孝廉任福州刺史兵部左侍郎諡恭靖

劉敬元

字萬資奉化鄉人興元中舉孝廉官潁川令

唐

無考

宋

胡仲堯

字光輔同安鄉人宋史孝義傳胡仲堯洪州奉新人累世聚居至數百口構學舍於華林山墅聚

書萬卷大設厨廩以延四方遊學之士南唐李煜時嘗授寺丞雍熙二年詔旌其門間仲堯赴闕謝恩賜白金器二百兩淳化中州境旱歉仲堯發廩減市直以賑饑民又以私財造南津橋太宗嘉之除本州助教每歲以香稻時果充貢事咸平三年遣弟仲容來賀壽安節召見仲容特授試校書郎賜袍笏犀帶又以御書賜之公卿多賦詩稱美

仲堯稍遷國子主簿致仕卒祀鄉賢仲容字咸和咸平三年復致國貢土物改大理評事屢被賜賚仲容建本縣孔子廟頗爲宏敞後遷光祿丞致仕天禧中特賜緋魚卒年七十九祀鄉賢以弟之子用訥爲後試校書郎仲容弟克順端拱二年進士至都官員外郎三司戶部判官仲容子用之泊從子用莊用舟並進士及第按仲容有子用之復以用訥爲後殆用之早歿無後與

胡仲容

見前

胡旦

字從道新興鄉人以文學薦仕諫議大夫

王猷

字得臣下坊人兩舉特奏官肇慶路監稅

羅惟實

字以行進城鄉人官隆興節判

元

鄒泰和

字至正從善鄉人皇慶中以明經舉官南康府教授

鄧謙亨

字仲謙號吉菴下坊人皇慶中官隆興總管

明

李士奇

見秩官

彭鎬

見秩官

陰鏜

見秩官

陳希曾

見秩官

鄧輝

見秩官

祝思文

見秩官

余可立

號默齋法城鄉人洪武十八年以儒士舉官平陽監稅

王達

字仲亨下坊人二十一年由薦舉官高安縣教諭瑞州府教授

喻仲淵 見秩官

張顯 見秩官

周霽 見秩官

許孟奇 下坊人洪武中以薦舉官河南都司經歷

鄒義 字伯文從善鄉人永樂中以人材舉官雲南蒙自縣丞

帥凱 字貴旋北鄉人永樂中以人材舉官四川閬中知縣

王桂林 達之子由薦舉官莒州大使

況伯奇 字子彝從善鄉人由薦舉官國子監丞

金茂均 以人材舉官嘉興府通判

鄧南臯 字德甫號遠齋下坊人以人材舉官廣東崖州同

涂成郁

法城鄉人以人材舉官南直滁州州同

鄒以常

新興鄉人以人材舉官南直和州州同

黃以文

薦舉官南直鳳陽府通判

黃自旦

奉化鄉人以人材舉官刑部主事

謝伯偉

建康鄉人以人材舉官福建鹽運副使

彭斯尙

字樵雲進城鄉人以人材舉官福建福州府同知

劉宗蘊

法城鄉人以人材舉官廣西西平州州判

鄒思誠

法城鄉人以人材舉官河南鄧州州判

劉中和

進城鄉人洪熙元年以人材舉官福建晉江知縣

傅良弼

字匡祚北鄉人由薦舉官廣東英德縣丞

關 鷹 字允登下坊人以經明行修舉宣德間官豐縣知縣下車詢民疾苦凡有不便於民者悉去之興學校勸農桑勞來備至民戴之如父母焉

曹克謙 下坊人以人材舉官山西翼城縣丞

劉 拱 法城鄉人以人材舉官陝西米脂縣主簿

劉宗美 法城鄉人以人材舉官浙江蘭谿縣主簿

鄧伯漢 進城鄉人以人材舉官浙江崇德縣主簿

曹克恭 下坊人以人材舉官廣東東莞縣金利巡檢

諶伏謙 新興鄉人正統中以人材舉官廣東封川縣河泊大使

金伯玉 建康鄉人以人材舉官廣東新會縣沙岡司巡檢

彭尙智 名稹以字行號菊逸進城鄉人以人材舉官廣東武郎場鹽課大使

余同機

建康鄉人以人材舉官湖廣黃州府團風稅課大使

王士信

進城鄉人以人材舉官廣東徐聞縣甯海巡檢

余良能

字近州從善鄉人嘉靖間遊太學祭酒程文德重其學行薦授鴻臚寺序班尋致仕居家好義樂施

鄉黨賢之

熊于南

字夏子建康鄉人崇禎十六年以人材舉值明亡不仕

閔謙

字益孟北鄉人以人材舉官峽江知縣

國朝

甘禾

見舉人乾隆元年以才學鴻詞舉

張星景

見進士乾隆元年以博學鴻詞舉

宋波

字洪川號澹綠北鄉人道光三年以孝廉方正舉

宋日昇

本名九臯字聲聞號嵩菴北鄉人咸豐元年以孝廉方正舉十一月卒年八十四母章氏賢少寡好

行善事年九十餘親見五世一堂日昇亦年踰七十供養如禮不以老而少衰閨門邕睦遠近尚其家風產不甚豐而忼慨好施歲購扇笠九散薪炭棉衣以振窮乏道光十六年以後歲比不登出藏粟貸人不取其息貧戶賴以全濟者甚衆其孝友光明廉潔正直素爲鄉人推重旣歿猶偁述弗衰

恩賜

翰林院檢討銜

乾隆五十二年丁未

涂紅鵬

由丙午

欽賜舉人字秀民號魯庵建康鄉人

五十八年癸丑

熊定飛

由壬子

欽賜舉人字三五號渭叟下坊人

嘉慶元年丙辰

趙人文

由恩貢生乾隆乙卯

欽賜舉人字化成號桐庵下坊人以能書名卒年八十四

四年己未

洪學源

積學有聞由歲貢生乾隆己亥

恩科中式舉人

已酉欽賜國子監學正銜卒年八十六

示

卷一

人物四

恩賜

鄒學訓

由戊午

欽賜舉人字子古號惕軒奉新鄉人

王廷拔

由戊午

欽賜舉人字德言號

同安鄉人

瞿道煥

由戊午

欽賜舉人字映川號南窗新安鄉人

六年辛酉

岳廷瑜

由庚申

欽賜舉人字允百號樸山從善鄉人

章星滿

由庚申

欽賜舉人字慶雲號彭湖北鄉人

譚依挺

由庚申

欽賜舉人字對笏南鄉人

童夢鰲

由庚申

欽賜舉人字伊傳號莘園北鄉人

十年乙丑

金光奎

由甲子

欽賜舉人字星臨號寅軒光斗弟

涂應綸

由甲子

欽賜舉人字靜文號經垣建康鄉人

彭之齡

由甲子

欽賜舉人字又增號晴麓奉化鄉人

帥其信

由甲子

欽賜舉人字惟德號春圃北鄉人

喻曉

由甲子

欽賜舉人字襄文號雲谷新安鄉人

十六年辛未

羅允叔

由甲子

欽門副榜丁卯

欽賜舉人戊辰己巳

累加學正助教銜字效修號肇耕建康鄉人董

聖廟新建修郡學

文昌宮事見阮中丞碑記詳校阮中丞重刊十三經注疏宋

本倡勸重新南昌試院學使曹振鏞旌褒義興賢匾額復與勸捐立章江義渡時論賢之著有格言節錄一卷

國子監學正銜

嘉慶十三年戊辰

涂時由歲貢生丁卯子 欽賜舉人字乘卿號海門錫穀

十四年己巳

謝逢森由丁卯百未建康鄉人 欽賜副榜戊辰 欽賜舉人字愛亭號

劉儲由丁卯藝陌奉化鄉人 欽賜副榜戊辰 欽賜舉人字企北號

舉人

乾隆四十四年己亥

王聘字殷臣號莘田同安鄉人由歲貢生家居教授所成就甚衆己亥入棘園年九十五矣精力如少壯時方治裝北上以疾卒

嘉慶六年辛酉

熊元泰

字聘之號康齋法城鄉人

廖以真

字實孚號確夫上坊人

九年甲子

趙由選

由歲貢生字素存號生一下坊人

十八年癸酉

廖廷蘭

由庚午舉孝廉方正辭不就欽賜副榜字芳谷號菊壇嘉慶元年公

徐星暉

由丁卯欽賜副榜字耀蘭一字曦齋上坊人

趙儀吉

由副貢生字彥南號雪簾下坊人

副榜

羅福鉅

嘉慶六年辛酉字職茲號炯軒進城鄉人

廖學儒 九年甲子字叙初號晴軒上坊人

余心樂 九年甲子字行之號閒軒從善鄉人

宋五衍 九年甲子字在茲號念齋北鄉人

趙之堂 十八年癸酉字升及號椒岩下坊人

蔡承綬 道光元年辛巳字綰章號霖邨奉化鄉人

鄒景璜 八年戊子字號從善鄉人

鄧日昶 十一年辛卯字輝宇號晴浦建康鄉人

余俊 二十三年癸卯字號從善鄉人

費志雲 同治三年甲子字爲章號寄巖建康鄉人

李如珪 六年丁卯字安民號月秋同安鄉人